

# Ժողովուրդ

21  
(3052)

20 փետրվարի հինգշաբթի 2025  
տպագրության ԺՂ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ԾԱԽՍԵՐԻ ԻՐԱԿԱՆ ԹՎԵՐԸ ԹԱՔՑՆՈՒՄ ԵՆ



Նիկոլ Փաշինյանի եւ իր գլխավորած պատվիրակության այցը ԱՄՆ 4,5 անգամ ավելի մատչելի է եղել, քան 2 օրում Սեւանի շուրջը կատարած «փաշինյանական հեծանվավազքը»: Հիշեցնենք, որ 15 մլն դրամ գրեթե 40 հազար ԱՄՆ դոլար էր արժեցել Սեւանի շուրջ երկօրյա հեծանվավազքը:

Փետրվարի 3-ից 7-ը ՀՀ վարչապետ Նիկոլ Փաշինյանի պատվիրակությունը եղել էր Ամերիկայի Միացյալ Նահանգների մայրաքաղաք Վաշինգտոնում, որի համար Հայաստանի Հանրապետության պետական բյուջեից հատկացվել է 3 մլն 361 հազար 119 դրամ: Այս մասին «Ժողովուրդ» օրաթերթի հարցին ի պատասխան հայտնել էին Վարչապետի աշխատակազմից:

Իհարկե, Վարչապետ Փաշինյանի այցը Ամերիկա շատ հարցեր է առաջացրել, եւ գրեթե որեւէ մեկը պատասխան չի ստացել: Թե ինչ էր անում հայկական պատվիրակությունը վարչապետի մակարդակով Վաշինգտոնում անցկացվող 5-րդ ամենամյա Միջազգային կրոնական ազատության գագաթնաժողովի նախաճաշին, եւ թե ինչ էր կորցրել աթեիստ Արսեն Թորոսյանը «Ազգային աղոթքի նախաճաշին» վարչապետի եւ կառավարական պատվիրակության հետ, հարցական է:

«Ժողովուրդ» օրաթերթը հարցմամբ դիմել էր նաեւ Ազգային ժողովի աշխատակազմ եւ հետաքրքրվել, թե որքան է արժեցել Արսեն Թորոսյանի այցը ԱՄՆ:

Հարցմանն ի պատասխան հայտնել էին. «Սույն թվականի փետրվարի 3-6-ը Վաշինգտոն Ազգային ժողովի առողջապահության հարցերի մշտական հանձնաժողովի նախագահ Արսեն Թորոսյանի գործուղման ճանապարհածախսի ընդհանուր գումարը կազմել է 586 հազար դրամ», - նշված է հարցման մեջ: Բայց ԱՄՆ ավիատոմսը միայն մոտավորապես 400 հազար ՀՀ դրամ է, հարց է առաջանում որտեղ է գիշերել Թորոսյանը 186 հազար դրամով, ինչով է սնվել այդ դեպքում:

Փաշինյանի հրապարակումներից հասկանում ենք, որ Աննա Հակոբյանն ուղեկցել է նրան, սակայն պատվիրակության կազմում Հակոբյանի անունը բացակայում էր:

«Ժողովուրդ» օրաթերթի հարցմանն ի պատասխան՝ վարչապետի աշխատակազմից փոխանցել էին, որ Աննա Հակոբյանի՝ ԱՄՆ մեկնելու ծախսերը կատարվել են անձնական միջոցների հաշվին: Կարճ ասած, Փաշինյանն ու իր թիմակիցները սկսել են պաշտոնապես քիչ ցույց տալ իրենց ծախսերը, որոնք ակնհայտորեն ավելի շատ են, քան պաշտոնական պատասխաններում արտացոլվածը:

«Ժողովուրդ» օրաթերթի խմբագրությունը պարբերաբար ահազանգեր է ստանում, որ առաջիկայում նախատեսվում է իրականացնել սահմանազանց համաձայն՝ այդ գործընթացում ներգրավվելու են նաեւ ՀՀ զինված ուժերը: «Ժողովուրդ» օրաթերթը հարցմամբ դիմել էր փոխվարչապետ Մեր Գրիգորյանի գրասենյակի հասկանալու համար, թե ճիշտ են արդյոք նման տեղեկությունները: Ստացել էինք հետեւյալ պատասխանը. «Հայտնում ենք, որ հարցման մեջ նշված տեղեկությունները չեն համապատասխանում իրականությանը: Համաձայն գործող Կանոնակարգի 1-ին եւ 2-րդ հոդվածների 2-րդ մասերի, 3-րդ հոդվածի 1-ին մասի 1-ին կետի՝ սահմանազանցումն աշխատանքները եւ համալիր միջոցառումները իրականացվում են բացառապես հանձնաժողովների, փորձագիտական խմբերի, ինչպես նաեւ աշխատանքներում ներգրավվող փորձագետների եւ մասնագետների կողմից», - ասված է պատասխանում: Հիշեցնենք, որ «Ժողովուրդ» օրաթերթը տեղեկություններ ուներ, որ հայտնի սահմանազանցումը սկսվելու է Գեղարքունիքի մարզից՝ ճամբարակ եւ Սոթք համայնքներից:



**ՀՀ** ԱԺ նախագահ Ալեն Սիմոնյանն իր վարքով չի դադարում զարմացնել ոչ միայն հասարակ քաղաքացիներին, այլեւ մասնագետներին՝ հոգեբաններին: Հոգեբան Սիմոնյանը «Ժողովուրդ» օրաթերթին փոխանցեց, որ ուսումնասիրելով, հոգեվերլուծության ենթարկելով Ալեն Սիմոնյանի հրապարակումները, գրառումները, նկատել է, որ երբեմնի դերասանն անձնային աճ չի ապրել եւ մնացել է իր չտեսնված դերասանի կարգավիճակում: Հարկ է նշել, որ Ալեն Սիմոնյանը հասարակության լայն շերտերում տպավորված է, սակայն ոչ լավ վարքագծով: Բանն այն է, որ ԱԺ նախագահին հիշում են այն դեպքով, երբ վերջինս թեյ է քաղաքացու վրա: Իսկ ի՞նչ բացատրություն ունի հոգեբանական տեսանկյունից մարդու վրա թեյը. հոգեբանի խոսքով՝ Սիմոնյանն իրեն փոխի հետ է համեմատում, սակայն ավելի լավ կլիներ, որ համեմատեր ուղտի հետ: Հոգեբանն ընդգծել է, որ կենդանուն՝ ուղտին, թեյու համար ոչ չի պատժում, եւ Ալեն Սիմոնյանի դեպքում եւս այդպես է, ոչ ոք չպատժեց նրան: Հարկ է նշել, որ Մարտիանը կարծում է, թե Վահագն Ալեքսանյանն ավելի շատ տեքստուրա ունեցող կերպար է, քան Ալեն Սիմոնյանը, եւ վերջինիս դեմ ոչ ոք չի պայքարում եղած-չեղած մի հաշիվ է: Հետաքրքիրն այն է, որ հոգեբանը նշում է՝ Սիմոնյանն իրեն դրել է Դոն Կորլեոնեի տեղը, ինչը կարող է անգամ նորածինն անել՝ ԱԺ աթոռին նստելով: Մեր գրուցակիցը հիշեց, որ Ալեն Սիմոնյանն իր հոր գերեզմանն է վաճառել, սերիալներում երրորդական դերեր է կատարել... կարճ ասած՝ աճ չի ապրել, նույն տեղում է:



Սահմանադրական դատարանի նախագահ Արմեն Դիլանյանը ջանում է ՔՊ-ական պատգամավոր Վլադիմիր Վարդանյանին տանել ՍԳ: ArmLur.am-ը ավելի վաղ հայտնել էր, որ ՍԳ դատավոր Վահե Գրիգորյանն ընտրվել է ՄԻԵԴ-ի դատավոր: Նրա տեղը ՍԳ-ում մնում է թափուր: «Ժողովուրդ» օրաթերթի տեղեկություններով՝ ՍԳ նախագահ Արմեն Դիլանյանը մտադիր է ՔՊ-ական պատգամավոր Վլադիմիր Վարդանյանին ՍԳ տանել որպես դատավոր: Այս մասին Դիլանյանը հասցրել է նաեւ Նիկոլ Փաշինյանին, ու հիմա սպասում են նրա համաձայնությանը, բայց Փաշինյանը դեռ ոչ մի կերպ չի արձագանքել: Նա երկմտում է, քանի որ ԱԺ պետավորական հարցերի հանձնաժողովի նախագահի պաշտոնը դատարկ կմնա, իսկ ՔՊ-ի ներսում չկա համապատասխան գիտելիքներով ու փորձով մեկը, ում կնշանակեն այդ պաշտոնին: Արմեն Դիլանյանը մտերիմ շրջապատում հայտարարել է, որ Վլադիմիր Վարդանյանն իշխանության ներկայացուցիչ է, բացի դրանից փորձ ունի ոլորտում, ծանոթ է Սահմանադրական դատարանի անցուդարձին, տարբեր տարիների պաշտոններ է զբաղեցրել ՍԳ-ում, ուստի, ըստ Դիլանյանի, Վլադիմիր Վարդանյանը լավագույն կադրն է: «Ժողովուրդ» օրաթերթը դիմել է ՍԳ Հանրային կապերի բաժնի՝ տեղեկությունը ճշտելու, որտեղից էլ փոխանցեցին. «Ի պատասխան Ձեր հարցման՝ տեղեկացնում ենք. «Սահմանադրական դատարանի մասին» ՀՀ սահմանադրական օրենքի 17-րդ հոդվածի 2-րդ մասով Սահմանադրական դատարանի դատավորի թափուր տեղի համար թեկնածուների առաջադրումներ կատարում են հաջորդաբար Հանրապետության նախագահը, դատավորների ընդհանուր ժողովը եւ Կառավարությունը»:



Շարունակությունը՝ ArmLur.am կայքում:

ՔԱՂԱՔԱԿԱՆ

ՏՈՒԳԱՆՔՆԵՐ

ՎԱՐՉԱԿԱՆ ԻՐԱՎԱԽԱԽՏՈՒՄՆԵՐ ԿԼԻՆԵՆ

«Ժողովուրդ» օրաթերթը գրուցել է Երևանի ավագանու «Քաղաքացիական դաշինության» խմբակցության անդամ Լեւոն Լեւոնյանի հետ: Նա նշել է, որ մաս-ադրիլ ամիսներից կգործարկվի նախագիծ, որով վարչական դատաստանության կենթարկվեն սրանադորսի համար չվճարած քաղաքացիները: Լեւոն Լեւոնյանն անդրադարձել է նաև Կենտրոն վարչական քաղաքացիական դեկա-վար Վիկտոր Մնացականյանի առաջարկին՝ Երևանում սրանադորսը դարձնել անվճար:

«Պարոն Լեւոնյան, քաղաքացիներն ահազանգում են, որ վարորդները իջեցնում են այն ուղեւորներին, որոնք չեն վճարում տրանսպորտ բարձրանալիս եւ բոլորում են թանկացած սակագնի դեմ: Դեպքեր են լինում, երբ վարորդներն իրենք չեն վարում ավտոբուսները, իջնում են, եւ ունենում ենք իրավիճակ, որ իրենց իրավասությունների մեջ չմտնող հսկիչի դեր են կատարում: Քաղաքապետարանից նման հրահանգ կա՞ վարորդներիս:

«Նախ տարանջատենք այս երկու ֆունկցիաներն իրարից. վարորդի ֆունկցիաներն այլ են, հսկիչի ֆունկցիաները՝ այլ: Վարորդի աշխատանքային պայմանագրի մեջ նաեւ ամրագրված կետ կա, որտեղ նշված է, որ վարորդը պետք է հետեւի եւ վերահսկի ուղեւորների կողմից պատշաճ եւ բնականոն վճարումների կատարումը: Այսինքն, եթե ուղեւորները չեն վճարում, ապա վարորդի աշխատանքի շրջանակում է դա վերահսկելը, կանխելը կամ միջամտելը. այս կետն առկա է աշխատանքային պայմանագրում: Իսկ հսկիչի ֆունկցիան արդեն այլ է. այն ընդհանուր հասարակական կարգի պահպանման համար է: Զանցանք տեսնելիս հսկիչը պետք է վարչական իրավախախտում կազմի:

«Պարոն Լեւոնյան, հասկանալի է, որ վարորդի գործառնությունների մեջ է մտնում նախազգուշացնելը, բայց դա չի նշանակում, որ նա պետք է իր գործառնությունը չկատարի եւ երթուղին չվարի: Այսինքն՝ չպետք է իջնի մեքենայից եւ ասի՝ ես այլևս չեմ վարում: Սա ինչպե՞ս կմեկնաբանեք:

«Դուք այդպես եք մեկնաբանում, սակայն կրկնում եմ վարորդի աշխատանքային պարտավորությունների մեջ հստակորեն մտնում է ուղեւորների կողմից վճարումների ապահովումը կամ այդ վճարումների գործընթացը հսկելը: Եթե ուղեւորը չի վճարում, բոլորտ է անում,



վարորդը, քանի որ դա իր անմիջական պատասխանատվության ներքո է, որոշակի քայլեր է ձեռնարկում: Ես չեմ ասում, որ նա պետք է վարչական իրավախախտում, արձանագրություն կազմի:

«Բայց նա իրավունք չունի մեքենայից իջեցնելու ուղեւորին:

«Եթե տվյալ աշխատանքային կետով այդ թերացումն իր մոտ արձանագրվի, ապա հետագայում կարող է ծառայողական քննություն բացվել, եւ վարորդը պատասխանատվության առաջ կանգնի: «Պարոն Լեւոնյան, հստակեցնենք. քաղաքապետարանից կա՞ հրահանգ վարորդներին, որ չջարուսակեն երթուղին, մինչեւ քաղաքացիները չվճարեն:

«Նորից եմ կրկնում՝ դա հրահանգ չէ. վարորդ կա, որ այդ կերպ է այդ գործընթացն իրականացնում կամ այլ կերպ է մեկնաբանում, ամեն մեկը տարբեր ձեւով է դա անում: Մարդ կա, հակափաստում է, ասում է՝ քո բոլորտն այլ տեղ իրականացրու, կամ ձեռք փոխիր եւ այլն: Նմանատիպ հրահանգ ուղիղ չի իջեցվել, դրանք աշխատանքային պայմանագրով ստանձնված պարտավորություններ են, որի մասին հայտարարել է նաեւ քաղաքապետը:

«Նախորդին քաղաքապետն ասաց, որ բոլոր այն քաղաքացիները, որոնք բոլորում են, չեն վճարում նրանց նկատմամբ միջոցներ պետք է կիրառվեն: Այսինքն, ի՞նչ է սա նշանակում: Ի՞նչ միջոցների մասին է խոսքը: Հնարավոր է, որ բոլորտող քաղաքացիների հանդեպ վարչական միջոցներ կիրառվեն:

«Այս պահին որեւէ նորմատիվ իրավական ակտերով նմանատիպ խնդիրները չեն կարգավորվում: Միակ կետը, որն օրենքի մասով կարող է փակել այդ բացը կամ խնդիրը լուծել, հասարակական կարգի խանգարումն է: Այդ բոլորտների ժամանակ պատահել են դեպքեր, երբ միջանձնային լարված փոխհարաբերություններ, վեճեր, թեժ գրույցներ, մինչեւ իսկ վիրավորանքներ են եղել, որոնք նման կերպով կարող են կանխվել: Այս պահին շրջանառվում է Երեւանի «ՏԻՄ-ի մասին» օրենքի նոր նախագիծը, որ գերատեսչություններում կարծիք է ուղարկված, շուտով կներկայացվի օրենսդիր մարմնում, եւ Ազգային ժողովում օրենքը կընդունվի. արդեն նոր օրենքով տրանսպորտի համար նախատեսված գումարը չվճարելու դեպքերում կկազմվեն վարչական իրավախախտումներ:

Զրույցը ԲՈՒՍՏԻՆԱ ՄՈՒՇԵՂՅԱՆԸ

ԽՄԲԱԿՑՈՒԹՅՈՒՆՆԵՐԻ ԱՐՉԱԳԱՆՔԸ

ArmLur.am-ը հայտնել էր, որ ՔՊ-ից սկանդալային կերպով հեռացված պատգամավոր Հովիկ Աղազարյանը մտադիր է Նիկոլ Փաշինյանի պաշտոնականության գործընթաց սկսել ԱԺ-ում:

Պատգամավորը ArmLur.am-ի հետ զրույցում չի էլ հերքում սա, միայն նշում է, թե իր առաջիկա ծրագրերի մասին չի ցանկանում խոսել: Հավելենք՝ որպեսզի ԱԺ-ում վարչապետի հրաժարականի գործընթացը մտնի շրջանառության մեջ, անհրաժեշտ է պատգամավորների 1/3-ի քվե՝ 36 ստորագրություն: Խորհրդարանում բուն պաշտոնակալության համար անհրաժեշտ է 50+1% ձայն, այսինքն՝ 54 պատգամավորի ձայն: ArmLur.am-ը ընդդիմադիր «Հայաստան» խմբակցության դեկավար Սեյրան Օհանյանից հետաքրքրվել է՝ եթե Հովիկ Աղազարյանը նման գործընթաց սկսի, կմիանա՞ն նրանք նախաձեռնությանը:

Սեյրան Օհանյան էլ արձագանքել է, որ երբ հստակ տեղեկություն լինի իմպիչմենթի գործընթացի մասին, իրենք ֆրակցիան կքննարկի եւ որոշում կկայացնի:

«Պատիվ ունեմ» խմբակցության դեկավար Հայկ Մամիջանյանն էլ արձագանքել է, որ «պարլիամենտյան կատակների համար դեռ շուտ է»:

ԼԱՎ ՀՆԱԲԱՎՈՐՈՒԹՅՈՒՆ

Ռուս-ուկրաինական հակամարտությանը վերջ տալու Վաշինգտոնի ջանքերի շրջանակներում Ուկրաինայի եւ Ռուսաստանի հարցով ԱՄՆ նախագահ Դոնալդ Թրամփի հատուկ բանազանց Բիթ Քելոգը փետրվարի 19-ին ժամանել է Կիեւ: Ժամանելուց հետո ամերիկացի պաշտոնյան հայտնել է, որ իր առաքելությունը հիմնականում Ուկրաինայի մտահոգությունները «լսելը» եւ իր բացահայտումները Սպիտակ տանը փոխանցելն է:

«Մենք հասկանում ենք անվտանգության երաշխիքների անհրաժեշտությունը: Մենք հասկանում ենք այս ազգի ինքնիշխանության կարեւորությունը»,- ասել է Քելոգը:

Նա նաեւ հավելել է, որ իր այցը «պատենցիալ լավ բանակցություններ ունենալու հնարավորություն է»: Ավելի վաղ Ուկրաինայի նախագահ Վոլոդիմիր Զելենսկին առաջարկել էր, որ Քելոգի եռօրյա այցը ներառի առաջնագծի ստուգում, սակայն դա պաշտոնապես չի հաստատվել բանազանցի կողմից: Նախատեսվում է, որ այցի ընթացքում Քելոգը հանդիպումներ կունենա նախագահ Վոլոդիմիր Զելենսկիի, Ուկրաինայի պաշտպանության նախարար Ռուստեմ Ումերովի, Ուկրաինայի զինված ուժերի գլխավոր հրամանատար Ալեքսանդր Սիրսկիի հետ: Քելոգը Կիեւ է այցելել անմիջապես այն բանից հետո, երբ ԱՄՆ-ի եւ Ռուսաստանի պատվիրակությունները Սաուդյան Արաբիայում ռուս-ուկրաինական հակամարտության ավարտի շուրջ բանակցություններ են վարել՝ առանց Ուկրաինայի մասնակցության: Նախագահ Վոլոդիմիր Զելենսկին ընդգծել է, որ Ուկրաինան չի ընդունի իր թիկունքում իրականացվող բանակցությունների արդյունքները:

ԵԿԱՍՈՒՏՆԵՐ

ԻՆՉ ՈՒՆԵՑՎԱԾՔՈՎ ՊԵՏԸ ՀԵՌԱՑԱՎ

Ազատության դիմում գրած Արման Յուլյանը դեռևս կախախցիկում հասցրել է ձեռք բերել 1 ավսոնակ:

Համաձայն նրա 2024 թվականի հաշվետու տարվա եկամուտների, անշարժ գույքի, ծախսերի եւ շահերի հայտարարագրի՝ ավտոտնակը Յուլյանը 2024 թվականին նվիրատվություն է ստացել հորից՝ Վարդգես Հովսեփի Յուլյանից, իսկ որպես անշարժ բնակելի գույք Յուլյանը շահագործում է Երեւանի բնակարանը, որը սեփականության իրավունքով իրեն չի պատկանում:

Բանկային հաշիվների մնացորդները կազմել են 401 ԱՄՆ դոլար եւ 636 հազար 400 դրամ, իսկ կանխիկ դրամական միջոցները կազմել են 32 հազար ԱՄՆ դոլար, 6 հազար եվրո, 8 մլն դրամ: Արման Յուլյանը 1996 թվականից մինչեւ վերջերս աշխատել է ներքին գործերի նախարարությունում տարբեր ուղղություններով: 2010-2014 թվականներին եղել է ՀՀ ԱԻՆ ՓԾ օպերատիվ կառավարման վարչության պետ, ապա 2014-2017 թվականներին՝ ՀՀ ԱԻՆ փրկարար ծառայության տնօրենի տեղակալ:

Ռատական դեպարտամենտի դեկավարի տեղակալ, դատական կարգադրիչների ծառայության պետի պաշտոնից փետր-

վարի 17-ին սեփական դիմումի համաձայն հեռացած Յուլյանը 2024 թվականի ընթացքում ՀՀ ԲԴԽ աշխատակազմի դատական դեպարտամենտից ստացել է 8 մլն 755 հազար դրամ աշխատանքի վարձատրություն: Նրա եկամուտները հաշվետու տարում կազմել են 11 մլն 134 հազար դրամ, որից 2 մլն 220 հազարը կենսաթոշակ է ներքին գործերի նախարարությունից, իսկ 159 հազար դրամը քաղաքացիավորական այլ պայմանագրերից ստացված եկամուտ է Արդարադատության ակադեմիայից:

Արման Յուլյանը չի պատճառաբանել, թե որն է եղել ազատման պատճառը: ԷՄՍԱ ՄԻՔԱՅԵԼՅԱՆ

ԻՐԱՎԻՃԱԿ

ԱՅՍՈՐ

ՄԵԾ ՀԱՆՐԱՂԱՎԱՔ ԿԻՐԱԿԱՆԱՑՎԻ



հավաքի անուկից դիմելու են Մինսկի խմբի ռեանսիազահներին:

Ըստ ArmLur.am-ի գրուցակցի՝ այսօր հնարավորություն է ստեղծվում վերականգնել Մինսկի խմբի համախառն հույսերի ֆորմատը՝ հաշվի առնելով Թրամփի և Պուտինի միջև արդեն սկսված երկխոսությունը: Ըստ Սարգսյանի՝ «Մինսկի խմբի գործունեությունը մեզ համար կարևորագույն գործն է»:

Հանրահավաքի կազմակերպիչները նաև պահանջելու են «չեղարկել Նիկոլ Փաշինյանի հայտարարությունը, որ Արցախը Ադրբեյջանի մաս է»: Հանրահավաքի ընթացքում կքննարկեն նաև Արամ Սարգսյանի գնահատմամբ սոցիալական և տնտեսական բարդագույն խնդիրները, որ հիմա առաջացել են Հայաստանում: «Ռեմոկրատական կուսակցության» ղեկավարը տեղեկացրել է նաև, որ հանրահավաքին մասնակցություն կունենա «Սրբազան շարժման» հիմնադիր Բագրատ արքեպիսկոպոս Գալստայանը, ով աղոթքով կսկսի հանրահավաքը և կունենա ելույթ:

Ըստ Արամ Սարգսյանի՝ իրենք պայքարող կառույց են, «շահմատում մեկ քայլանոց մատ չի լինում», և իրենք պետք է շարունակեն միևնույն հասնել իրենց առջեւ դրված նպատակներին: Սարգսյանի դիմումները կարևորագույն գործն են:

տարկմամբ այսօր ժողովուրդը քաղաքական առաջնորդների կարիք ունի:

«Առաջնորդներ ունենալու պարագայում կարող ենք նորից համախմբվել, ուստի մենք այս առաջարկը անում ենք բոլորին՝ միասին լուծելու այս հարցը», - նշել է Սարգսյանը և կարեւորել, որ իշխանափոխությունը լինի լեգիտիմ ճանապարհով: «Եթե մենք հասնում ենք մեր նպատակին, ապա նոր ձեւավորվող իշխանությունը պետք է լինի լեգիտիմ», - շեշտել է նա:

Հիշեցնենք, որ փետրվարի 18-ին Ազատության հրապարակում հանրահավաք էր նախաձեռնել նաև ԱԻՄ առաջնորդ Պարույր Յարիկյանը:

Արամ Սարգսյանին հարցրինք նաև, թե հնարավոր է՞ միասնական հանդես գան, ինչին նա պատասխանեց. «Բոլոր ընդդիմադիր ուժերը, որոնք համարում են, որ այսօրվա կարևոր հարցը այս իշխանությունից օր առաջ ազատվելն է, կարող են իրենց լուրջ ունենալ այս պայքարի մեջ: Մենք որեւէ մեկին չենք կարող մերժել»: Սակայն Յարիկյանը քիչ հավանական համարեց, որ Յարիկյանի հետ միասնական հարթակից հանդես գան: Հանրահավաքին ներկա կլինեն նաև բոլոր խորհրդարանական ընդդիմադիր ուժերը:

ԱՐՄԵՆ ԽԵՉՈՒՄՅԱՆ

ՆԵՐՄՈՒԾՄԱՆ ՓՈՓՈԽՈՒԹՅՈՒՆ

ԵԱՏՄ անդամ չհանդիսացող պետությունում գրանցված անձնական օգտագործման տրանսպորտային միջոցներն ինչպես օտարերկրյա, այնպես էլ ԵԱՏՄ ֆիզիկական անձինք ԵԱՏՄ մաքսային տարածք, այս դեպքում Հայաստան կարող են ժամանակավոր ներմուծել ոչ ավելի, քան 1 տարի ժամկետով:

Այս դեպքում ներմուծման համար առաջանում է մաքսատուրքերի և հարկերի վճարման պարտավորությունը և պարտավորությունը պետք է ապահովեն միջոցներով:

Հայաստանի կամ ԵԱՏՄ անդամ այլ երկրների ֆիզիկական անձինք մաքսատուրքերի և հարկերի վճարման պարտավորությունը պետք է ապահովեն միջոց, իսկ օտարերկրյա անձինք՝ միայն այն դեպքում, երբ նախկինում Հայաստան ժամանակավոր ներմուծված անձնական օգտագործման տրանսպորտային միջոցները դեռ չարտահանած՝ ներմուծում են երկրորդ և երրորդ տրանսպորտային միջոցները:

400 ԲԵՌՆԱՏԱՐ ԱՆՑԱԿԵՏՈՒՄ Է

Ավելի քան 400 հայկական բեռնատար մնացել է ռուս-վրացական սահմանի Յուրսիսային Օսեթիայի Վերին Լարս անցակետում: Այս մասին են վկայում Յուրսիսային Օսեթիայի ճանապարհային երթուղիների կազմակերպման կենտրոնի տվյալները:

Երեկվա տվյալներով՝ հերթում են 423 հայկական բեռնատարներ: Ընդհանուր առմամբ, վերջին տվյալներով, հերթում գրանցվել է 1555 բեռնատար տարբեր երկրներից:

Մցխեթա-Ստեփանավան-Լարս միջազգային նշանակության ավտոճանապարհի Գուրգուրի-Կոբի հատվածում Լարսի ճանապարհը փակ է կիրակի գիշերվանից՝ Վրաստանի տարածքում եղանակային պայմանների վատթարացման պատճառով: Յուրսիսային Օսեթիայում այդ պատճառով արտակարգ դրություն է հայտարարվել:

ԲԵՆԶԱԼՑԱԿԱՅԱՆԸ ԿԱՊԱՐԱԿՆԵՔԵԼ ԵՆ

Հայաստանի Հանրապետության քաղաքաշինության, տեխնիկական և իրդեհային անվտանգության տեսչական մարմնի ղեկավար Գարեգին Խաչատրյանի հանձնարարագրի հիման վրա Տեսչական մարմնի Սյունիքի տարածքային ստորաբաժանման մասնագետների կողմից իրդեհատեխնիկական հետազոտություն է իրականացվել Սյունիքի մարզի Սիսիան համայնքի Սառնակունք գյուղի 6-րդ փողոցի 9/1 հասցեում շահագործվող և արտադրական վտանգավոր օբյեկտ (ԱՎՕ) հանդիսացող բենզալցակայանի նկատմամբ:

Հետազոտության արդյունքում Տեսչական մարմնի մասնագետները արձանագրել են իրդեհային և տեխնիկական նորմատիվ փաստաթղթերի պահանջների խախտումներ, որոնք անմիջական և ուղղակի սպառնալիք են ստեղծում իրդեհների առաջացման, ինչպես նաև մարդկանց կյանքի, առողջության ու անվտանգության համար:

ՕՐՎԱ ԽՃԱՆԿԱՐ

ԶԲՈՍԱՇՐՋԻԿՆԵՐԻ ԹԻՎԸ

2025 թ. հունվարին Հայաստան այցելել է 139.482 զբոսաշրջիկ: Նախորդող տարում 2024 թվականին, զբոսաշրջային այցելությունների թիվը հունվարին կազմել է 154.319: 2025 թ. հունվար ամսին դեպի Հայաստան առավել շատ զբոսաշրջային այցելություններ գրանցվել են Ռուսաստանից (39.5%), Վրաստանից (13%) և Իրանից (9.4%):

ԽԱՌՆԱՇՓՈԹ

ԵՐԹՈՒՂԱՅԻՆՈՒՄ

ArmLur.am-ի տեղեկություններով՝ երեկ թիվ 3 երթուղային մեջ խառնաշփոթ իրավիճակ է եղել: ArmLur.am-ին հայտնի դարձավ, որ անհայտ անձը դանակի սպառնալիքով երթուղայինում գտնվող 17 տարեկան երեխայից պահանջել է 20.000 դրամ, այնուհետև Սեբաստիայի 2 հասցեի հարակից կանգառում ստիպողաբար

իջեցրել է երթուղայինից և տարել Հասարակության 4/9 հասցեում գործող «Ուրարտու» հանրախանութի հարակից հատված ու կրկին պահանջել գումար: Սակայն, մերժում ստանալուց հետո, կաշուն ժապավենով փակել է երեխայի բերանը, որից հետո պատահական անցորդի մոտենալու հետևանքով դիմել է փախուստի: Դեպքն ուսումնասիրում են իրավապահները:

ArmLur.am-ին հասած տեղեկությունների համաձայն՝ իրավապահները պարզել են, որ այդ արարքը կատարել է Ա. Պ.-ն: Ձեռնարկվում են միջոցառումներ նրան հայտնաբերելու ուղղությամբ:

ԵՎՍ ՄԵԿ ԱՆՉ

Փետրվարի 5-ին Մերձավանում հնչած կրակոցների գործով ես մեկ անձ կալանավորվել էր: ArmLur.am-ին հասած տեղեկությունների համաձայն՝ կալանավորվածը Մերձավանում կրակոցներից առաջ ծեծի ենթարկված Վոլոդյա Խոջայան է: Մերձավանցիները պատմել էին, որ մինչ

աղմկահարույց կրակոցները համայնքում ծեծկռտուք էր եղել, ու ծեծել էին Վոլոդյա Խոջայանին ու նրա հորը: Արդյունքում, համայնքում այնքան էր գյուղի տղաների մեջ վեճը թեժացել, որ հնչեց կրակոց ու սպանվեց համայնքի ղեկավարի հորաքրոջ որդին: Միջադեպի արդյունքում այս կալանավորվածների թիվը հասել է 7-ի, և 3 անձի նկատմամբ հայտարարվել է հետախուզում: Հետախուզվողներից մեկը Ռուզաննա Ղազարյանի որդին է՝ Արմեն Ղազարյանը, որի մայրը կոչով դիմում է մերձավանցիներին չվախենալ ոտքի կանգնել, որ իրենց երեխաների կյանքը չկործանվի: Այս միջադեպից հետո աղմկահարույց տեսանյութ էր հրապարակվել, թե ինչպես է համայնքի ղեկավար Միեր Ախտոյանը, իր տանը գտնվելով, հետևում կռվի ընթացքին ու որեւէ կանխարգելիչ գործողություններ չի իրականացնում: Ավելին՝ ArmLur.am-ին հասած տեղեկությունների համաձայն՝ որոշում է կայացվել Արմավիրի քննչական բաժնից քրեական գործը տեղափոխել Երևան ու այն քննել Հատկապես կարևոր գործերի քննության գլխավոր վարչությունում:



ՄԱՐԶ

ՄԲՑՈՒՅԹԻՆ ՉԻ ԵՐԿԱՅԱՑԵԼ

2024 թ. մարտի 28-ի որոշմամբ Լույս տարվա հուլիսին կայացել է ՌԴ-ի ջարհաբերի Ուսանողական 70 հասցեում գործող «ՌԴ-ի ջարհաբերի Ուսանողական 70 հասցեում գործող «ՌԴ-ի ջարհաբերի պետական բժշկական քոլեջ» ՊՈԱԿ-ի և ՌԴ-ի ջարհաբերի Ուսանողական 74 հասցեում գործող «ՌԴ-ի ջարհաբերի պետական բժշկական քոլեջ» ՊՈԱԿ-ի միավորումը: Միավորված քոլեջը կոչվում է ՌԴ-ի ջարհաբերի պետական բազմագործառնություն քոլեջ: Կառավարության որոշման մեջ, որպես միավորման, հիմնավորում նշվել է՝ ելնելով ՌԴ-ի ջարհաբերի քոլեջում սովորողների թվաքանակի նվազեցման միտումից և ուսումնական հաստատություններին ամրացված տարածքների օպտիմալ օգտագործման պահանջից: ՌԴ-ի ջարհաբերի բազմագործառնություն քոլեջն ունի 418 ուսանող, որոնց մոտ կեսը բժշկական գործ է ուսանում: ՌԴ-ի ջարհաբերի քոլեջների միավորումից հետո քոլեջի աշխատակիցների կրճատումներ չեն եղել, տնօրինությունը աշխատել է, բոլորին, թեև ուղևորվել էր դուրս, որոշակի քանակի դասաժամերով ապահովել: ՌԴ-ի ջարհաբերի բազմագործառնություն քոլեջի տնօրենի ժամանակավոր պաշտոնակատար է նշանակվել Նախկինում ՌԴ-ի ջարհաբերի քոլեջի տնօրենի Վահագն Հովհաննիսյանը: Մոտ մեկ ամիս առաջ կայացել է ՌԴ-ի ջարհաբերի բազմագործառնություն քոլեջի տնօրենի թափուր պաշտոնի համար մրցույթ: Այդ քոլեջի կառավարման խորհրդի նախագահը ՌԴ-ի ջարհաբերի ղեկավար Դավիթ Սարգսյանն է: Մրցույթին ՌԴ-ի ջարհաբերի բազմագործառնություն քոլեջի տնօրենի միակ հավակնորդը եղել է Վահագն Հովհաննիսյանը: Մրցույթը չի կայացել, քանի որ ԿԳՄՍ նախարարության ներկայացուցիչը չի ներկայացել: Նախարարությունից հայտնել են, որ նա այդ օրը այլ հրատարակ գործ ուներ: Մարտի 4-ին տեղի կունենա Լույս մրցույթը, դրան ԿԳՄՍ ներկայացուցիչը կներկայանա: Եթե նախարարության ներկայացուցիչն այդ անգամ էլ չներկայանա, ուրեմն ԿԳՄՍ նախարարությունը դեմ է բազմագործառնություն քոլեջի տնօրենի պաշտոնում Վահագն Հովհաննիսյանի թեկնածությանը:

«ԱՆՎՏԱՆԳ» ԿԻՐԱՆՑՈՒՄ ԱՇԽԱԿԵՐՏՆԵՐԻ ԹԻՎԸ ԵՎԱԶԵԼ Է

2024թ. սեպտեմբերի 2-ին վարչապետ Նիկոլ Փաշինյանը Կիրանցի հիմնական դպրոցի Նորաբաց շենքում հայտարարել է. «Ես ուզում եմ պատասխանատու կերպով ասել, որ Հայաստանի անկախության պատմության մեջ երբեք Կիրանցում դպրոց գնալն ավելի անվտանգ չի եղել, քան այսօր, երբեք Կիրանցում ապրելն ավելի անվտանգ չի եղել, քան այսօր: Եվ սա շատ կարևոր արձանագրում է»: Սակայն Կիրանցի բնակիչներն այդպես չեն մտածում. նրանց մի մասն իրենց երեխաներին հարեան գյուղերի դպրոցներ է ուղարկում: Կիրանցի հիմնական դպրոցը 2023-2024 ուսումնական տարում ուներ 42 աշակերտ, իսկ այս ուսումնական տարում ունի 34 աշակերտ: Կիրանցի դպրոցի Նոր շենքը Ադրբեջանի հետ սահման համարվող մեծ պատից մոտ 30-40մետր հեռավորությամբ է գտնվում: Նախկինում հայտարարում էին, որ Կիրանցի դպրոցի Նոր շենքը գործարկելուց հետո միջնակարգի կարգավիճակ է ստանալու, սակայն այդպես չեղավ: ՆՍԿԱՆ ՍԱՐԳՍՅԱՆ Տավուշ

ԱՆՊՐԱՂԱՐՁԵԼ ԵՆ

ՀԵՏԵՎՈՒՄ ԵՆ ԵՐԿՈՒ ԿՈՂՄԵՐԻՆ

Իրավիճակը հայ-ադրբեջանական սահմանին բավականին հանգիստ է: Այս դահին միջադեպեր չկան:

Այս մասին ասել է Հայաստանում ԵՄ դիտորդական առաքելության ղեկավար Մարկուս Ռիտերը: Միեւնույն ժամանակ Ռիտերը նշել է, որ երկու կողմերն էլ ամրապնդում են իրենց դիրքերը:

«Այսպիսով, երկու կողմերն էլ շարունակում են պատրաստվել ավելի վատ զարգացման, դա ակնհայտ է: Բայց մենք այս պահին լարվածություն չենք տեսնում, եւ սա ամսից ի վեր է, ուստի մենք բավականին վստահ ենք, որ տարածաշրջանը լավ ուղու վրա է: Եվ մենք միշտ ասում ենք՝ նախապատրաստված եղիր վատագույնին, բայց պատրաստ եղիր լավագույնին: Այսպիսով, մեզ թվում է, որ երկու կողմերն էլ հետեւում են այս խորհրդին»,- ասել է Ռիտերը:

Առաքելության ղեկավարի խոսքով՝ Հայաստանի եւ Ադրբեջանի միջեւ սահմանային միջադեպերի զգալիորեն նվազմանը նպաստել է ոչ միայն դիտորդների ներկայությունը սահմանին, այլեւ՝ քաղաքական միջավայրը:

«Ադրբեջանի եւ Հայաստանի միջեւ բանակցություններն են, որոնք օգնում են միջադեպերի նվազմանը: Վստահ եմ, որ մեր ներկայությամբ մենք աջակցում ենք այս ընդհանուր գործընթացին»,- ասել է Ռիտերը:

Անդրադառնալով Հայաստանում ԵՄ դիտորդական առաքելության գործունեության վերաբերյալ Ադրբեջանի դժգոհություններին, Մարկուս Ռիտերը նշել է, որ իրենք բացահայտ պարեկություն են իրականացնում սահմանի եւ հսկողության գծի երկայնքով: Երբ հայտնվում են սահմանի ինչ-որ տեղում, միշտ մնում են այնպիսի դիրքում, որ երկու կողմերն էլ տեսնեն: Ամեն բան շատ, շատ բաց եւ թափանցիկ է, եւ առաքելությունը ոչ մի հետախուզական աշխատանք չի կատարում: Իսկ թե ինչու է դժգոհում Ադրբեջանը, Ռիտերը հորդորում է հենց Բաքվից հարցնել: «Ամեն ինչ տեսանելի է, թե ինչ ենք անում: Մենք հետեւում ենք, թե ինչ է կատարվում սահմանին: Դա նշանակում է, որ մենք ոչ միայն նայում ենք, թե ինչ է անում ադրբեջանական կողմը, մենք նաեւ հետեւում ենք, թե ինչ է անում հայկական կողմը, քանի որ Բրյուսելը ցանկանում է իմանալ մեզանից՝ ինչպես է իրավիճակը սահմանին: Նույնիսկ այն պարեկություններին, որոնց մենք գնում ենք ուղեկցորդներով, մեկ շաբաթ առաջ հատուկ ներկայացուցիչ գրասենյակի միջոցով ծանուցում ենք Բաքվին»,- ընդգծել է Ռիտերը:



տեւում ենք, թե ինչ է կատարվում սահմանին: Դա նշանակում է, որ մենք ոչ միայն նայում ենք, թե ինչ է անում ադրբեջանական կողմը, մենք նաեւ հետեւում ենք, թե ինչ է անում հայկական կողմը, քանի որ Բրյուսելը ցանկանում է իմանալ մեզանից՝ ինչպես է իրավիճակը սահմանին: Նույնիսկ այն պարեկություններին, որոնց մենք գնում ենք ուղեկցորդներով, մեկ շաբաթ առաջ հատուկ ներկայացուցիչ գրասենյակի միջոցով ծանուցում ենք Բաքվին»,- ընդգծել է Ռիտերը:

սահմանին: Որպես առաքելության նպատակ՝ նախանշվել է իրավիճակի մոնիթորինգը, դրա վերաբերյալ հաշվետվությունն ու վերլուծությունը: Եվրամիության այս որոշումը հաջորդել է Եվրոպական խորհրդի նախագահ Շառլ Միշելի, Ֆրանսիայի նախագահ Էմա-նուել Մակրոնի, Հայաստանի վարչապետ Նիկոլ Փաշինյանի եւ Ադրբեջանի նախագահ Իլհամ Ալիևի միջեւ հոկտեմբերի 6-ին կայացած քառակողմ հանդիպմանը: Այսպիսով՝ պետք է նշել, որ Հայաստանում ԵՄ դիտորդական առաքելությունն առաջին հերթին ադրբեջանական ագրեսիվ քայլերը զսպելու եւ տեղում իրավիճակը ճշմարիտ գնահատելու առումով բավական լուրջ եւ դրական ազդեցություն ունի: Սա, իհարկե, Բաքվի շահերից չի բխում: ԱՆՆԱ ՍՊՊՊՈՒՆՅԱՆ

ՆԱԽԿԻՆ ՄԻՊ

ՀԱԿԱՍՈՒՄ Է ԱՆՎՏԱՆԳՈՒԹՅԱՆ ՈՒ ՊԵՏԱԿԱՆ ԸՆԴԵՐԻՆ

Մարդու իրավունքների նախկին դոսենտ Մանան Թաթոյանի գնահատմամբ՝ Միջազգային աշխարհից Ադրբեջանի դեմ Հայաստանի գանձագրից հրաժարվելն առաջացնում է իրավական կարեւոր հարց: Ըստ նրա՝ դա հակասում է ՀՀ անվտանգությանն ու դեպի Եվրոպայի միացմանը, ոչ ուղեկցորդներն այդ հայտարարություններն անում է ԲԳ ղեկավարի իր նեղ շահերի գերակայությամբ՝ ի չար գործադրելով ՀՀ վարչապետի կարգավիճակը եւ սխալ մեկնաբանելով Կառավարության լիազորությունները: Նա չունի այդ գանձագրից հրաժարվելու կամ այդպիսի որոշումների համար փոփոխական ճնշում գործադրելու իրավասություն:

հայ ժողովրդի իրավունքները: Այդ գանձագրից հրաժարվելը Հայաստանի Հանրապետությունը դնում է պատասխանատվության տակ սեփական քաղաքացիներին իրենց իրավունքների զանգվածային խախտումների համար պաշտպանությունից զրկելու, այդ պաշտպանությունից հրաժարվելու եւ հետագայում պաշտպանության խոչընդոտներ ստեղծելու համար, մաքրում է ադրբեջանական հանցանքները: Ուստի, գանձագրից հրաժարվելը չի կարելի «հիմնավորել»՝ Կառավարության ինչ-որ առանձին, «մեկուսացած» լիազորության վրա հղում անելով: Սա այդ դեպքը չէ: Ընդ որում, միջազգային դատարանում միջապետական գանձագրի ներկայացնելն ինքնին չի ենթադրում դրանցից հրաժարվելու Վարչապետի կամ Կառավարության բացառապես հայեցողություն: Հրաժարվելն ունի բոլորովին այլ իրավական շեղում արդեն իսկ նախաձեռնված կամ ընթացող միջազգային դատական գործընթացի պայմաններում:

Այն, որ միջազգային իրավական հարցերով Հայաստանի Հանրապետության ներկայացուցիչ գրասենյակը ՀՀ վարչապետի աշխակազմի կառուցվածքային միավոր է, ոչինչ չի նշանակում: Կոպիտ սխալ էր այդ միավորը Վարչապետի աշխատակազմի մաս դարձնելը հատկապես գործող Կառավարության պարագայում, որի համար քաղաքական շահերը գերակա են պետական շահերի նկատմամբ: Նշվածից բացի, ԲԳ ղեկավարն իր հայտարարություններով ողջամիտ կասկածներ է առաջացնում, որ այլ գործերով նման բաներ տեղի են ունեցել: Օրինակ՝ ինքը կամ իր քաղաքական թիմակիցների մի մասը մինչեւ իշխանության գալը Եվրոպական դատարան են ներկայացրել գանձագրեր ու հիմա քաղաքական ճնշում օգտագործելով՝ ստիպել են հրաժարվել Հայաստանի Հանրապետության դիրքորոշումներից հանուն իրենց «հաղթանակի»,- հայտնել է Արման Թաթոյանը:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 11 պատահար. 1 մարդ զոհվել է, 10-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏԵՂԵԿԱՏՎՈՒԹՅՈՒՆ

ՄԻԱՆԳԱՄԻՑ 2 ՏԵՂԱԲԱԾԽՈՒՄ

«Ալբա» բանկը 2025 թվականի փետրվարի 20-ից մինչև 2025 թվականի ապրիլի 10-ը ներառյալ հրապարակային առաջարկով մեկնարկում է արժեկտրոնային ոչ փաստաթղթային պարտատոմսերի միանգամից երկու տեղաբաշխում համապատասխանաբար 3.000.000.000 (երեք միլիարդ) և 4.000.000.000 (չորս միլիարդ) ՀՀ դրամ ծավալով:

3.000.000.000 (երեք միլիարդ) ՀՀ դրամ ծավալով պարտատոմսերի շրջանառության ժամկետը 36 ամիս է: Տեղաբաշխվելու է 30.000 (երեսուն հազար) դրամային պարտատոմս՝ տարեկան 9.5% եկամտաբերությամբ:

4.000.000.000 (չորս միլիարդ) ՀՀ դրամ ծավալով պարտատոմսերի շրջանառության ժամկետը 60 ամիս է: Տեղաբաշխվելու է 40.000 (քառասուն հազար) դրամային պարտատոմս՝ տարեկան 10% եկամտաբերությամբ:

Մեկ պարտատոմսի անվանական արժեքը կազմում է 100.000 (հարյուր հազար) ՀՀ դրամ:

Պարտատոմսերի ձեռքբերման համար ներդրողները պետք է լրացնեն եւ «Ալբա» բանկ ներկայացնեն պարտատոմսերի ձեռքբերման հայտ:

3.000.000.000 (երեք միլիարդ) ՀՀ դրամ ծավալով պարտատոմսերի ձեռքբերման հայտ ֆիզիկական անձանց համար՝

Դրամային պարտատոմսերի ձեռքբերման հայտ

3.000.000.000 (երեք միլիարդ) ՀՀ դրամ ծավալով պարտատոմսերի ձեռքբերման հայտ իրավաբանական անձանց համար՝

Դրամային պարտատոմսերի ձեռքբերման հայտ

4.000.000.000 (չորս միլիարդ) ՀՀ դրամ ծավալով պարտատոմսերի ձեռքբերման հայտ ֆիզիկական անձանց համար՝

Դրամային պարտատոմսերի ձեռքբերման հայտ

4.000.000.000 (չորս միլիարդ) ՀՀ դրամ ծավալով պարտատոմսերի ձեռքբերման հայտ իրավաբանական անձանց համար՝

Դրամային պարտատոմսերի ձեռքբերման հայտ

«Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքի համաձայն՝ բանկի թողարկած անվանական պարտատոմսերով ներգրավված դրամական միջոցները համարվում են երաշխավորված բանկային ավանդ եւ երաշխավորված են «Ավանդների հատուցումը երաշխավորող հիմնադրամի» կողմից:

Բանկը վերահսկվում է ՀՀ ԿԲ կողմից:

ՓՈՓՈԽՈՒԹՅՈՒՆ

ԵՄ ներմուծման ընթացակարգերում կատարվել են փոփոխություններ, որոնք ուժի մեջ կմտնեն 2025 թվականի ապրիլի 1-ից: Այս մասին հայտնում են ՀՀ պետական եկամուտների կոմիտեից:

Մասնավորապես, 2025 թվականի ապրիլի 1-ից Եվրամիության մաքսային նախաժամանման ապահովության եւ անվտանգության համակարգը երկաթուղային եւ ավտոմոբիլային փոխադրողներից կապահանջի տրամադրել տվյալներ ԵՄ երկրներ ուղարկվող կամ դրանց տարածքով անցնող ապրանքների մասին մինչև դրանց ժամանումը:

«ԲՎԻԿ» ԵՎ «ԻՂՐԱՄ»

ԽԹԱՆՈՒՄ ԵՆ ՄԵԲԸ ԸՆԹԵՐՑԱՆՈՒԹՅԱՆ ՀԱՆԴԵՊ

Գրառուս փերվարին «ԲՎԻԿ» նախաձեռնությունն ամփոփեց Իլրամի հեռահամագործակցությամբ իրականացված «Թռիչք գրքի թեմերով» ընթերցանության մրցույթի արդյունքները: Մրցույթի նույնական է 14-18 տարեկան դեռահասների օրգանում սեր եւ հեռափրությունն առաջացնել գրքի հանդեպ, զարգացնել արագ ընթերցելու, վերլուծելու, կարծիք արտահայտելու հմտությունները, ձեռավորել քննադատական մտածողություն:

Միջոցառումն իր հարկի տակ հյուրընկալել էր Ավետիսյան միջնակարգ դպրոցը: Վեց ամիս տեւած մրցույթային փուլերից հետո եզրափակիչ անցած Հայաստանի տարբեր դպրոցներից թվով 66 աշակերտների համար կազմակերպվել էր ընթերցանության իսկական տոն, որի ընթացքում հաղթողներին են հանձնվել գլխավոր մրցանակները:

«ԲՎԻԿ» կրթական հիմնադրամի տնօրեն Անահիտ Յուզբաշյանը նշում է. ««Իլրամի» հետ համագործակցությունը շատ կարեւոր էր, եւ հենց այս համագործակցության շնորհիվ եւս կարողացանք իրականացնել այս մրցույթը՝ միասին խթանելով ընթերցասիրությունը երիտասարդ սերնդի մեջ»:

20 գրքից բաղկացած գրականության ցանկում ներառված են եղել տարիքային խմբերին համապատասխան համաշխարհային ճանաչում ունեցող սիրով պարբեր եւ պատմավեպ: Իլրամի հետ փոխգործակցության արդյունքում մրցույթի եզրափակիչ օրը դպրոցականների հետ անցկացվեց նաեւ ֆինանսական գրագիտության թեմայով սեմինար, որի ընթացքում դպրոցականներին ներկայացվեց կարեւոր ու անհրաժեշտ տեղեկատվություն ֆինանսների գրագետ տնօրինման, ինչպէլու կարեւորության ու գեղծարարներից պաշտպանված լինելու անվտանգային կանոնների մասին:

ՀԱՍԱՐԱԿՈՒԹՅՈՒՆ

ԶՐԿՎԱԾ ԵՆ ԳԱԶԻՑ ՈՒ ՀՈՍԱՆՔԻՑ

Դիլիջանի գիշերօթիկի շենքում բնակություն հաստատած 7 արցախցի ընտանիքներ ձմեռվա ընթացքում գրկված են գազից ու էլեկտրաէներգիայից ինչպէս բլոկադայի ամիսներին՝ Արցախում: Սոցալ նախարարությունն ասել է՝ այլ առաջարկ ենք արել, թող գնան: Շատերը ընդունել են առաջարկն ու հեռացել գիշերօթիկից, բայց մնացած այս 7 ընտանիքները ամենաջլվածներն են՝ տարբեր խնդիրներով: Արված առաջարկները նրանց կարող են առավել վատ վիճակի մեջ դնել:

ԷԼԵԿՏՐՈՆԱՅԻՆ ԵՂԱՆԱԿՈՎ

2026 թ. հունվարի 1-ից աշխատանքային պայմանագրերը կկնքվեն էլեկտրոնային եղանակով: Այս մասին երեկ տեղի ունեցած մամուլի ատուլիսի ժամանակ ասել է ՀՀ աշխատանքի եւ սոցիալական հարցերի նախարարության աշխատանքի եւ զբաղվածության վարչության պետ Ժորա Սարգսյանը: Ըստ նրա՝ այն, ինչ հիմա պարտադիր է լինում թղթային եղանակով պայմանագիր կնքելու համար, նույն սկզբունքով դրանք կկնքվեն էլեկտրոնային համակարգում, կլրացվեն բոլոր պարտադիր դաշտերը:



թուն ֆինանսների գրագետ տնօրինման, ինչպէլու կարեւորության ու գեղծարարներից պաշտպանված լինելու անվտանգային կանոնների մասին:

«Իլրամի» սոցիալական պատասխանատվության ծրագրերի բաժնի պատասխանատու Մանե Գասպարյանը նշում է. «Եթե ուզում ենք ֆինանսապես գրագետ սերունդ ունենալ, նախ պետք է նրանց մտերմացնենք գրքի հետ, սովորելու ցանկություն արթնացնենք եւ հետո միայն ցույց տանք ֆինանսների աշխարհում անվտանգ լինելու ճանապարհը: Այսօր նաեւ «Իլրամ Զունիորի» հետ ֆինանսական կրթությանը նվիրված փոքրիկ սեմինար անցկացրինք ու շատ ոգեւորված

ենք աշակերտների արձագանքից, երեխաների հետաքրքրվածությունից»:

Դուք եւս կարող եք միանալ «Զունիորի» հետաքրքիր ու զվարճալի ճամփորդությանը՝ պարզապէս ներբեռնելով հավելվածը Ձեր երեխաների սմարթֆոններում: Idram Junior հավելվածի միջոցով երեխաները հնարավորություն կստանան անկանխիկ գումար ունենալ, անհպում վճարումներ կատարել, ինչպէլու եւ ֆինանսական գրագիտություն սովորել, իսկ ծնողները՝ վերահսկել երեխաների ֆինանսական գործողությունները ժամանակակից եւ անվտանգ գործիքի միջոցով:

Ընկերությունները վերահսկվում են ՀՀ ԿԲ կողմից



բունքով դրանք կկնքվեն էլեկտրոնային համակարգում, կլրացվեն բոլոր պարտադիր դաշտերը:

«Երբ գործատուն լրացնում է բոլոր պարտադիր դաշտերը, դրանից հետո նաեւ նա ստորագրում է էլեկտրոնային եղանակով, վերջինս ունի լիազորելու հնարավորություն, որ իր անունից նաեւ այլ անձ ստորագրի, որովհետեւ նման հնարավորություն Աշխատանքային օրենսգրքով տրված է: Աշխատողները պետք է ունենան էլեկտրոնային ստորագրություն, որ-

պեսզի կարողանան ստորագրել պայմանագրերը: Ամեն դեպքում, նրանք եկամուտների պարտադիր հայտարարագրման շրջանակներում պետք է դա ունենան, հետեւաբար այս հարթակում ստորագրելն իրենց համար հավելյալ բեռ չի ավելացնի, որովհետեւ այս կարգավորումն ուժի մեջ է մտնելու 2026 թվականի հունվարի 1-ից, ստացվում է՝ բոլոր աշխատողները մինչև 2026 թվականի հունվարի 1-ը, այնուամենայնիվ, պետք է ունենան էլեկտրոնային ստորագրություն», - ասել է նա:

«Տողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

«ԱՆԱՅԻՏ»

ԸՆԴԳԻԿՎԵԼ Է ԵՎՐԱՄԻԱԿԱՆ ՇԵՔԻԱԹՆԵՐԻ ԺՈՂՈՎԱԾՈՒՌԻՄ

Մոսկվայի ղեկավարական լեզվաբանական համալսարանում տեղի է ունեցել «Քարե հսկաների լեզունները» եվրասիական հեֆիաթների ժողովածուի շնորհանդեսը:

Գրքում ներկայացված է ԱՊՅ երկրների ժողովուրդների մեկական հեքիաթ՝ ինչպես ռուսերենով, այնպես էլ տվյալ ժողովրդի մայրենի լեզվով: Թարգմանությունները կատարվել են լեզվաբանական համալսարանի դասախոսների կողմից, եւ ժողովածուի բոլոր հեքիաթները ունեն թեմատիկ ընդհանրություն՝ լեռները:

Շնորհանդեսի ժամանակ ունեցած բացման խոսքում համալսարանի միջազգային համագործակցության նախագծային գրասենյակի տնօրեն Օլգա Եգորովան նշեց, որ հենց լեռներն են պահպանում ազգային արժեքները, հենց լեռներում է, որ մարդը գտնում է բոլոր հարցերի պատասխանները, եւ իզուր չէ, որ ժողովուրդները լեռներին են վերագրել լեգենդները:

«Թարգմանությունն այն տարածությունն է, որ միացնում է ազգերին: Իսկ բոլոր ազգերի հեքիաթներում էլ բարին հաղթում է չարին: Ու քանի որ այսօրվա երեխաները վարվա հասարակությունն են, շատ կարեւոր է, թե ինչ է մատուցվում նրանց: Յուր ունենք, որ ծրագիրը շարունակական բնույթ կկրի», - նշել է բանախոսը:

Հայկական ժողովրդական հեքիաթներից ժողովածուում ընդգրկվել է «Անահիտ»-ը՝ Մոսկվայի պետական լեզվաբանական համալսարանի հայոց լեզվի ու մշակույթի կենտրոնի թարգմանությամբ:



Կենտրոնի տնօրեն Արմինե Մարտիրոսյանը, բարձր գնահատելով նախաձեռնության արդյունավետությունը, նշել է, որ խնդիր էր դրված ներկայացնելու ԱՊՅ երկրների մշակույթը նոր ժամանակներում: «Թարգմանության մեջ դժվարություններ կան հիմնականում դարձվածքներն ու ժողովրդի հատուկ բարբառային արտահայտությունների իմաստային նրբություններն են: Բայց ուրախ եմ, որ հենց «Անահիտ»-ն էր ընտրված, որովհետեւ այն մեծ դաստիարակչական ուժ ունի եւ լավագույնս բնութագրում է հայ ժողովրդին», - ասել է նա՝ ընդգծելով նախագծի շարունակականության կարեւորությունը:

Ժի շարունակականության կարեւորությունը: Գիրքը լույս է տեսել հազար տպաքանակով:

Նշենք, որ ինչպես այլ ժողովուրդների, այնպես էլ հայերի հեքիաթներում մեծ տեղ են զբաղեցնում հրաշապատում հեքիաթները: Պատումի սկզբում հրաշքի արտացոլման առարկաներ են հանդիսանում ամենից առաջ բնության ուժերը, որոնք հետագա զարգացման ընթացքում զանազան ժողովուրդների մոտ երեւան են գալիս ամենաբազմազան ու խայտաբղետ անձնավորումներով:

ԱՆՆԱ ՄՈՒԴՈՆՅԱՆ

ՄԱՐԶԱԿԱՆ

ՈՐԵ Է ԿԱՐԵՎՈՐ

Մոսկվայի «Լոկոմոտիվ» պաշտպան Նաիր Թիկնիզյանն ասել է, որ իր համար ավելի կարեւոր է մոսկովյան թիմի հետ մեկ չեմպիոնական տիտղոս նվաճելը, քան «Ջենիթը» հետ հինգ անգամ Ռուսաստանի չեմպիոն դառնալը: Սանկտ-Պետերբուրգը ներկայացնող թիմը մեկ տարի առաջ հետաքրքրված էր հայ ֆուտբոլիստի տրանսֆերով, սակայն տրանսֆերը այդպես էլ չկայացավ: «Իմ կարծիքով, ռուսական անձնագրով խաղացողի համար «Ջենիթը» պատմություն է ոչ թե ֆուտբոլի, այլ փողի մասին: Ես ինքս որոշեցի, որ եթե ամբողջությամբ նվիրվեմ ֆուտբոլին, ինչպես անում եմ, ապա ֆինանսական տեսանկյունից ինձ լավ կզգամ «Լոկոմոտիվում»: Եվ գիտեք, «Լոկոմոտիվ» հետ մեկ առաջնությունն ինձ համար ավելի արժեք է, քան հինգը՝ «Ջենիթի» հետ», - Թիկնիզյանի խոսքերն է մեջբերում «Спорт-экспресс»-ը:

Այս մրցաշրջանում 25-ամյա Թիկնիզյանը բոլոր մրցաշարերում մասնակցել է 23 հանդիպման՝ դառնալով 2 գոլի եւ երեք գոլային փոխանցման հեղինակ: Նաիրի ներկայիս աշխատանքային պայմանագիրը «Լոկոմոտիվ» հետ նախատեսված է մինչեւ 2026 թվականի ամառը: Transfermarkt պորտալում ներկայացված տեղեկատվության համաձայն՝ ֆուտբոլիստի շուկայական արժեքը կազմում է 6 միլիոն եվրո:

ԳԵՎԻՍԸ՝ ԳՈՒԻ ՄԱՍԻՆ

«Բավարիան» սեփական հարկի տակ 0-1 հաշվով զիջում էր «Սեյթիկին», եւ հանդիպումը մոտ էր լրացուցիչ ժամանակին: Սակայն ավելացված ժամանակի չորրորդ րոպեին մյուսխեսնիցները հավասարեցրին հաշիվը եւ առաջ անցան (3-2 ընդհանուր հաշիվ): Գոլը, որը հավասարեցրեց հաշիվը, խփեց Ալֆոնսո Դելիսը: հանդիպումից հետո նա մեկնաբանություն է տվել. «Գնդակը տուգանային հրապարակի մյուս կողմում էր, ուստի ես ուղղակի վագեցի տուգանային հրապարակի մյուս կողմ: Ես շատ չտեսածեցի: Ես ուղղակի մեկնեցի ռուքս, եւ գնդակը հայտնվեց ցանցի մեջ: Ուրախ եմ Չեմպիոնների լիգայում ես մեկ գոլ խփելու համար», - Դելիսի խոսքերն է մեջբերում Bayern & Germany-ին:

ԳԱՄՊԵՐԻՆԻՆ ԸՆՆԱԳԱՏԵԼ Է

«Ատալանտայի» գլխավոր մարզիչ Ջան Պիեռո Գասպերինին քննադատել է թիմի հարձակվող Ադեմոլա Լուկմանին Չեմպիոնների լիգայի՝ բելգիական «Բրյուգեի» հետ պատասխան խաղում 11 մետրանոցը չհրացնելու համար: «Լուկմանը 11 մետրանոցների մասնագետ չէ: Նա վերցրեց գնդակը եւ իրացրեց 11 մետրանոցը, չնայած Ռետեգին եւ Դե Կետելարեն կարող էին իրացնել հարվածը: Ինձ իսկապես դուր չէկավ, թե ինչպես վարվեց Ադեմոլան», - մասնագետի խոսքերն է փոխանցում ինսայդեր Ֆաբրիցիո Ռոմանոն:

Պատասխան հանդիպումն ավարտվեց «Բրյուգեի» հաղթանակով՝ 2-1 հաշվով:

ԹԵՄԱՏԻԿ ՆՈՐՈՒԹՅՈՒՆՆԵՐ

ՊԱՏՐԻԱՐՔԱՐԱՆԸ ՄԵՂԱԳԻԵԼ Է

Երուսաղեմի Հայոց պատրիարքարանը մեղադրել է Իսրայելի իշխանություններին կրոնական կազմակերպության դեմ «անարդար, նպատակային եւ կեղտոտ հարկեր» գանձելու համար, ինչն ուղղված է եկեղեցու ներկայությունը Սուրբ Երկրում նվազեցնելուն: Երուսաղեմի հայոց պատրիարքարանի X-ի էջում ասվում է, որ Երուսաղեմի քաղաքապետարանը ձգտում է բռնագրավել դարձրե շարունակ իրեն պատկանող գույքը եւ այն աճուրդի հանել՝ 1994 թվականից ի վեր իբր գոյացած համայնքային պարտքերը հավաքելու համար:

«Եթե, Աստված մի արասցե, պատրիարքարանի միջնորդությունը մերժվի, Երուսաղեմի քաղաքապետարանը կալանք կդնի Պատրիարքարանին պատկանող անշարժ գույքի վրա եւ այն աճուրդի կհանվի՝ ենթադրյալ վիճելի պարտքերը վերականգնելու համար, որոնք երբեք չեն ապացուցվել դատական կարգով», - ասվում է Երուսաղեմի հայոց պատրիարքարանի տարածած հաղորդագրության մեջ:

ԲՐԵՆԳԸ ՎԱՏ ՎԻՃԱԿՈՒՄ Է

Nike-ը անկում է ապրում. Վաճառքները նվազում են, բաժնետոմսերը կորցրել են իրենց արժեքի ավելի քան մեկ քառորդն անցած տարվա ընթացքում, եւ նրա նոր գործադիր տնօրենը օգնության կարիք ունի մարզական ընկերության վերակենդանացման համար: Օգնության է հասել Ջիմ Զարդաշյանը: Nike-ը համագործակցում է Զարդաշյանի հետ՝ ստեղծելու նոր ապրանքանիշ, որը կոչվում է «NikeSkims»: Այս մասին երեքշաբթի օրը համատեղ հայտարարել են ընկերությունը եւ նորաձեւության մագնատը: Հավաքածուն, որը հիմնված է նրա հանրահայտ ձեռքի հագուստի շարքի վրա, «կփոխի ֆիթնեսի եւ ակտիվ հագուստի համաշխարհային արդյունաբերությունը՝ դասի լավագույն նորամուծություններով բոլոր կին մարզիկների համար», ասվում է մամուլի հաղորդագրության մեջ:

Սարանքանիշի դեբյուտը ԱՄՆ-ում այս տարվա գարնանը կանցնի առցանց եւ «ընտրված մարածախ վայրերում», իսկ համաշխարհային մեկնարկը նախատեսվում է 2026 թվականին:

Նոր հավաքածուն առաջինն է Nike-ի համար, որը նախկինում չի համագործակցել արտաքին ընկերության հետ՝ նոր ապրանքանիշ ստեղծելու համար, փոխարենը հույսը դնում է ձեռքբերումների վրա կամ վարձում է հայտնի մարզիկների (օրինակ՝ Մայքլ Զորդանը)

«Ավելին, քան համագործակցությունը, նոր ապրանքանիշը նոր ստանդարտ կսահմանի ֆիթնեսի եւ ակտիվ հագուստի համաշխարհային ոլորտում՝ մարզական հագուստի, կոշիկի եւ աքսեսուարների լայն գծով»: Նոր ապրանքանիշը կօգնի Nike-ին ավելի արդիական դառնալ ակտիվ հագուստի կատեգորիայում՝ օգնելով նրան մրցակցել Lululemon-ի եւ Alo-ի հետ, որտեղ «նա հետ է մնում եւ երկրորդ ջութակի դերում է», - ասում է մամուլածախ առևտրի վերլուծաբան եւ GlobalData

Retail-ի գործադիր տնօրեն Նիլ Սաունդերսը:

Amazon-ի ՄԵՓԱԿԱՆԱՏԵՐԸ ԿԱԶԱՏԱԶՐԿՎԻ՞

Առցանց հարթակների ձեռներեցներին, այդ թվում Amazon-ի սեփականատեր Ջեֆ Բեզոսին, ըստ Մեծ Բրիտանիայում նոր իրավական կարգավորումների, սպառնում է մինչեւ երկու տարվա ազատազրկում, եթե նրանք դանակներ վաճառեն մինչեւ 18 տարեկան երեխաներին: Միացյալ Թագավորության Ներքին գործերի նախարար Իվետ Կուպերը բարձրացնում է անչափահասներին դանակներ վաճառելու համար նախատեսված առավելագույն պատիժը վեց ամսից մինչեւ երկու տարի՝ ներմուծելով օրենքներ, ըստ որոնց, պատիժը կկիրառվի վաճառքի իրականացնող անհատի կամ ընկերության գործադիր տնօրենի նկատմամբ: Օրենքները կվերաբերեն ինչպես խոհանոցային դանակների վաճառքին, այնպես էլ արգելված զենքերին, ինչպիսիք են «գոմբի» դանակները: Օրենսդրական փոփոխություններին նախորդել է 2024 թ. հուլիսին Սաուդյան Արաբիայում պարի դասընթացի ժամանակ երեք առջիկների սպանությունը 17-ամյա Ակսել Ռուդակոբանսկի կողմից, որը դանակը գնել էր Amazon-ից: Երիտասարդ մարդասպանը կարողացել էր շրջանցել առցանց խանութի երկփուլ անձը հաստատող ստուգումները՝ օգտագործելով ծրագրակազմ, որը կողակորում է անձնական տվյալները եւ ընդարկում օգտագործող ինտերնետային հասցեն:

● Խամաճիկների պետական թատրոնում փետրվարի 28-ին, մարտի 1, 2-ին տեղի կունենա «Փոքրիկն ու Կառլսոնը» միջոցառումը: Տոմսերի արժեքը՝ 1500 դրամ:



Էջը՝ ԱԼՎԱՐԴ ԿՈՇԿԱԿԱՐՅԱՆԻ

ԿԱՐԳ

**ՀԱՐՑ.** Ուզում եմ իմանալ, թե ի՞նչ կարգով է իրականացվում ամուսնալուծությունը եւ դրա դեռահաս զրանցումը, ի՞նչ փաստաթղթեր են ներկայացվում ամուսնալուծության դեռահաս զրանցման համար, ի՞նչ ժամկետում է կատարվում ամուսնալուծության դեռահաս զրանցումը, որքա՞ն է կազմում դեռահաս զրանցման դրույքաչափը:

Կարինե Մինասյան  
(39 տարեկան, տնային տնտեսուհի)



ՊԱՏԱՍԽԱՆ.

Եթե ամուսինների միջեւ առկա է ամուսնալուծվելու վերաբերյալ փոխադարձ համաձայնություն, ապա նրանց ամուսնալուծությունը կատարվում է ՔԿԱԳ մարմնում:

Ամուսնալուծության գրանցման համար ամուսինները ՔԿԱԳ մարմին են ներկայացնում համատեղ դիմում: Եթե ամուսիններից մեկը հնարավորություն չունի անձամբ ներկայանալու ՔԿԱԳ մարմին՝ ամուսնալուծության մասին համատեղ դիմում տալու համար, ապա ամուսինների կամքի արտահայտությունը կարող է ձեւակերպվել ամուսնալուծության մասին առանձին հայտարարություններով: Ամուսնալուծության պետական գրանցման համար ներկայացվում է՝ անձը հաստատող փաստաթուղթ, ամուսնության վկայական (առկայության դեպքում), ամուսինների համատեղ դիմումը՝ ՔԿԱԳ մարմնում ամուսինների միջեւ փոխադարձ համաձայնության առկայությամբ ամուսնալուծություն կատարելու համար, ամուսիններից մեկի դիմումը, եթե մյուսը դատարանի կողմից ճանաչվել է անհայտ բացակայող կամ անգործունակ կամ դատապարտվել է ազատազրկման երեք տարուց ոչ պակաս ժամկետով, ամուսինների դիմումը եւ դատարանի՝ օրինական ուժի մեջ մտած վճիռը՝ դատական կարգով ամուսնալուծություն կատարելու դեպքում: Ամուսնալուծության գրանցումը եւ ամուսիններից յուրաքանչյուրին ամուսնալուծության վկայականներ տրամադրելը կատարվում է ՔԿԱԳ մարմնի կողմից ամուսնալուծության մասին ամուսինների դիմում տալու օրվանից առնվազն մեկ ամիս հետո, բայց երեք ամսից ոչ ուշ: Ամուսնալուծության պետական գրանցման համար, ներառյալ վկայական տալը, գանձվում է պետական տուրք՝ 10000 ՀՀ դրամ:

**ՀՀ արդարադատության նախարարություն**

«ԺՈՂՈՎՈՒՐԳ».

Նշենք, որ ամուսնալուծության պետական գրանցման ժամանակ մինչամուսնական ազգանունը կրելու ցանկության դեպքում գանձվում է նաեւ 5000 ՀՀ դրամ պետական տուրք:

ԱՎԱՆՈՒՆԵՐ

**ՀԱՐՑ.** Խնդրում եմ ասե՞ք, թե ինչպե՞ս կարող եմ ավանդահասունները ՏԵՂԵԿԱՅՎԱԾ ավանդների հասուցման դեղքի մասին:

Ալլա Պետրոսյան (67 տարեկան)



ՊԱՏԱՍԽԱՆ.

Հիմնադրամը հատուցման դեպքի օրվան հաջորդող երեք աշխատանքային օրվա ընթացքում Հայաստանի Հանրապետության հրապարակային ծանուցումների պաշտոնական ինտերնետային <http://www.azdarar.am> կայքում եւ առնվազն հանրային մեկ լրատվամիջոցով հայտարարություն է հրապարակում հատուցման դեպքի մասին՝ նշելով երաշխավորված ավանդի ստանալու կարգը, ներառյալ՝ ավանդատուի գրավոր կամ էլեկտրոնային եղանակով պահանջի ներկայացման կարգը, անհրաժեշտ փաստաթղթերի ու տեղեկությունների ցանկը, պայմանները, եղանակները, ժամկետները:

Հատուցման դեպքին հաջորդող 10-րդ աշխատանքային օրվանից առնվազն մեկ օր առաջ Հայաստանի Հանրապետության հրապարակային ծանուցումների պաշտոնական ինտերնետային <http://www.azdarar.am> կայքում եւ առնվազն հանրային մեկ լրատվամիջոցով հրապարակում է լրացուցիչ հայտարարություն, որտեղ նշվում են՝

ա) երաշխավորված ավանդների վճարումն իրականացնող բանկի եւ դրա մասնաճյուղերի անվանումները եւ հասցեները:

բ) ավանդատուի գրավոր կամ էլեկտրոնային եղանակով ներկայացված պահանջի եւ Հիմնադրամի տրամադրած ավանդատուների ցուցակի միջեւ տեղեկությունների անհամապատասխանության դեպքում երաշխավորված ավանդի հատուցումն ստանալու համար անհրաժեշտ փաստաթղթերի ցանկը:


**Ավանդների հատուցումը երաշխավորող հիմնադրամ**

«ԺՈՂՈՎՈՒՐԳ».

Նշենք, որ երաշխավորվում են ավանդատուի եւ դրամային եւ արտարժույթային ավանդները:

ԼՈՒՐ ԿԱԴՐ

Լուսանկարը՝ համացանցից



Նույնիսկ արդեն խաջբառերում է «բացահայտվել», թե Նիկոլ Փաշինյանն ինչ աղետի առաջ է կանգնեցրել հայերին: «Նիկոլի բերածը մեր գլխին» գլուխկոտրուկի պատասխանն է՝ աղետ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել



«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդադարաւանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-4 - 11 -3 + 2	Արարատ	0 - 5 +1 + 4
Կոտայքի լեռներ	-6 - 10 -2 + 2	Արմավիր	-3 + 1 +4 + 6
Կոտայքի նախալեռներ	-4 - 9 0 + 3	Վայոց ձորի լեռներ	-4 - 7 +2 + 4
Գեղարքունիք	-6 - 11 -3 + 1	Վայոց ձորի նախալեռներ	-2 + 2 +4 + 6
Լոռի	-7 - 10 -1 + 4	Սյունիքի հովիտներ	-6 - 9 0 - 4
Տավուշ	-3 - 6 0 + 2	Սյունիքի նախալեռներ	0 + 3 + 7 + 10
Արագածոտնի լեռներ	-9 - 14 -2 + 4	ԼՂՀ	0 + 2 + 6 + 8
Արագածոտնի նախալեռներ	-1 - 3 -1 + 5	Երեւան	-2 - 6 + 5 + 9

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արշակունյաց 2, հեռ.՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 19.2.2025  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: